

Dogfen ir Cyhoedd



CYNGOR SIR
YNYS MÔN
ISLE OF ANGLESEY
COUNTY COUNCIL

YMDDIRIEDOLAETH
ELUSENNOL YNYS MON
ISLE OF ANGLESEY
CHARITABLE TRUST

13 Medi/September, 2017

At : Aelodau Cyngor Sir Ynys Môn fel ymddiriedolwr
Ymddiriedolaeth Elusennol Ynys Môn

Annwyl Aelod,

CYFARFOD O'R YMDDIRIEDOLAETH ELUSENNOL YNYS MÔN

Gofynnir i chwi fod yn bresennol mewn cyfarfod o'r Ymddiriedolaeth Elusennol Ynys Môn ar **ddydd Mawrth, 19 Medi, 2017 am 10.00 o'r gloch y.b., yn Siambr y Cyngor, Swyddfeydd y Cyngor, Llangefni** ynglyn a materion a nodir yn y rhaglen atodol.

Yr eiddoch yn gywir,
Dr Gwynne Jones

YSGRIFENNYDD

To : Members of the Isle of Anglesey County Council as Trustee
of the Isle of Anglesey Charitable Trust

Dear Member,

MEETING OF THE ISLE OF ANGLESEY CHARITABLE TRUST

Your attendance is requested at a meeting of the Isle of Anglesey Charitable Trust on **Tuesday, 19 September, 2017 at 10.00 a.m., to be held at the Council Chamber, Council Offices, Llangefni** to consider the matters noted in the attached agenda.

Yours sincerely,
Dr Gwynne Jones

SECRETARY

Ysgrifennydd/Secretary : Dr. Gwynne Jones

Trysorydd/Treasurer : Mr. Marc Jones

Swyddfa'r Sir/County Offices,
Llangefni, Ynys Môn. LL77 7TW. Tel: (01248) 750057

R H A G L E N

1 DATGANIAD O DDIDDORDEB

Derbyn unrhyw ddatganiad o ddiddordeb gan unrhyw Aelod neu Swyddog parthed unrhyw eitem o fusnes.

2 COFNODION (Tudalennau 1 - 2)

Cyflwyno, i'w cadarnhau, gofnodion y cyfarfod a gafwyd ar 6 Gorffennaf, 2017.

3 ADRODDIADAU O IS-BWYLLGORAU'R YMDDIRIEDOLAETH ELUSENNOL (Tudalennau 3 - 8)

Pwyllgor Grantiau Cyffredinol

Cyflwyno, er gwybodaeth, gofnodion y Pwyllgor Grantiau Cyffredinol a gafwyd ar 12 Gorffennaf, 2017.

4 CAU ALLAN Y WASG A'R CYHOEDD

"Dan Adran 100(A)(4) Deddf Llywodraeth Leol 1972, cau allan y wasg a'r cyhoedd o'r cyfarfod yn ystod y drafodaeth ar yr eitem a ganlyn, oherwydd y posibilrwydd y caiff gwybodaeth eithriedig ei rhyddhau fel y diffinnir hi yn Atodlen 12A (Categori 16) y Ddeddf."

5 LLYWODRAETHIANT YMDDIRIEDOLAETH ELUSENNOL YNYS MÔN (YEYM) A CHYMDEITHAS ELUSENNOL YNYS MÔN (Tudalennau 9 - 12)

Cyflwyno adroddiad gan yr Ysgrifennydd mewn perthynas â'r uchod.

Pwyllgor Ymddiriedolaeth Elusennol Ynys Môn

Cofnodion y cyfarfod a gynhaliwyd ar 6 Gorffennaf 2017

YN BRESENNOL:	Lewis Davies, R Dew, John Griffith, Richard Griffiths, Glyn Haynes, T LI Hughes MBE, K P Hughes, Vaughan Hughes, Llinos Medi Huws, Carwyn Jones, R LI Jones, A M Jones, G O Jones, Richard Owain Jones, Eric Wyn Jones, Alun W Mummery, Bryan Owen, R G Parry OBE, Shaun James Redmond, Dylan Rees, J A Roberts, Dafydd Roberts, Margaret Murley Roberts, Nicola Roberts, P S Rogers, Dafydd Rhys Thomas, Ieuan Williams a Robin Williams
WRTH LAW:	Ysgrifennydd, Trysorydd, Swyddog Pwyllgorau (MEH).
YMDDIHEURIADAU:	R Meirion Jones
HEFYD YN BRESENNOL:	Neb arall yn bresennol

1 ETHOL CADEIRYDD

Cafodd Mr. Trefor LI. Hughes MBE ei ethol yn Gadeirydd Pwyllgor Ymddiriedolaeth Elusennol Ynys Môn.

Diolchodd Mr. Hughes i'r aelodau am ddangos hyder ynddo. Diolchodd hefyd i'r cyn Gadeirydd, Mr. T Victor Hughes am ei waith yn ystod ei gyfnod yn y rôl.

2 ETHOL IS-GADEIRYDD

Cafodd Mr. R.O. Jones ei ethol yn Is-gadeirydd Pwyllgor Ymddiriedolaeth Elusennol Ynys Môn.

3 DATGANIAD O DDIDDORDEB

Ni chafwyd unrhyw ddatganiadau o ddiddordeb.

4 COFNODION

Cadarnhawyd cofnodion y cyfarfod a gynhaliwyd ar 18 Ebrill, 2017 fel rhai cywir.

Cafodd y Pwyllgor ddiweddariad gan yr Ysgrifennydd bod Browne Jacobson LLP bellach wedi cyflwyno cais i'r Comisiwn Elusennol i gofrestru'r Sefydliad Elusennol Corfforedig (CIO). Dywedodd, os yn briodol, y bydd adroddiad diweddarau yn cael ei gyflwyno i aelodau'r Ymddiriedolaeth Elusennol llawn cyn y cyflwynir adroddiad ffurfiol llawn gyda manylion y weithdrefn lywodraethu ar gyfer Cymdeithas Elusennol Ynys Môn yn y man.

5 PENODI SWYDDOGION AC AELODAU I WASANAETHU AR BWYLLGORAU'R YMDDIRIEDOLAETH

Cyflwynwyd – adroddiad gan yr Ysgrifennydd mewn perthynas â phenodi Swyddogion ar gyfer yr Ymddiriedolaeth Elusennol a'r angen i benderfynu ar strwythurau'r pwyllgorau ac i benodi aelodau i wasanaethu ar y pwyllgorau hynny. Awgrymwyd, gan fod yr Ymddiriedolaeth wedi gwneud cais i'r

Comisiwn Elusennau i newid y strwythur llywodraethu i Sefydliad Elusennol Corfforedig, y dylid cael strwythur pwyllgorau o 3 phwyllgor o'r Ymddiriedolaeth, sef:-

Pwyllgor Buddsoddiadau a Chontractau;

Pwyllgor Grantiau Cyffredinol;

Pwyllgor Adfywio

Dylid parhau yn y tymor byr gyda'r trefniadau presennol a dylid manteisio ar y cyfle i adolygu'r strwythur pwyllgorau unwaith y bydd penderfyniad terfynol y Comisiwn Elusennol wedi'i wneud.

PENDERFYNWYD:-

- **Rhoi awdurdod i Gadeirydd ac Is-gadeirydd Ymddiriedolaeth Elusennol Ynys Môn awdurdodi gwariant yr Ymddiriedolaeth;**
- **Penodi'r aelodau canlynol i'r 3 Phwyllgor o'r Ymddiriedolaeth Elusennol:-**

Pwyllgor Buddsoddiadau a Chontractau

K.P. Hughes, T.LI. Hughes MBE, Aled M. Jones, G.O. Jones, R.LI. Jones, Alun Mummery, Dafydd Roberts, Nicola Roberts, Dafydd R. Thomas, Robin Williams.

Pwyllgor Grantiau Cyffredinol

Lewis Davies, Richard A. Dew, Glyn Haynes, Vaughan Hughes, Llinos M. Huws, R.O. Jones, Dylan Rees, Margaret M. Roberts, Peter Rogers, Shaun Redmond.

Pwyllgor Adfywio

John Griffith, Richard Griffiths, Carwyn Jones, Eric Jones, R. Meirion Jones, Bryan Owen, Bob Parry OBE FRAGS, Alun Roberts, J. Arwel Roberts, Ieuan Williams.

- **Nodi y bydd Cadeirydd ac Is-gadeirydd Ymddiriedolaeth Ynys Môn yn aelodau ex-officio ar bob un o'r 3 Phwyllgor.**

**Mr. Trefor LI. Hughes MBE
Cadeirydd**

Pwyllgor Grantiau Cyffredinol

Cofnodion y cyfarfod a gynhaliwyd ar 12 Gorffennaf 2017

YN BRESENNOL: Richard A. Dew, Vaughan Hughes, Llinos M. Huws,
Margaret M. Roberts

WRTH LAW: Trysorydd

Swyddogion o Gyngor Sir Ynys Môn (cyfeirir atynt yma yn ôl teitlau eu swyddi gyda CSYM)

Cynorthwydd Gweinyddol (CS),
Swyddog Pwyllgor (MEH).

YMDDIHEURIADAU: Dim

**HEFYD YN
BRESENNOL:** Dim

1 ETHOL CADEIRYDD

Penodwyd Mr. Vaughan Hughes yn Gadeirydd ar gyfer y cyfarfod hwn yn unig.

2 ETHOL IS-GADEIRYDD

Etholwyd Mrs. Margaret M. Roberts yn Is-Gadeirydd ar gyfer y cyfarfod hwn yn unig.

3 DATGANIADAU O DDIDDORDEB

Datganodd Ms. Llinos M. Huws ddiddordeb personol sy'n rhagfarnu mewn perthynas â chais 036 (Clwb Gymnasteg Ynys Môn) ac ni chymerodd ran yn ystod y drafodaeth ar yr eitem honno.

4 COFNODION

Nodwyd bod cofnodion cyfarfod blaenorol y Pwyllgor Grantiau Cyffredinol wedi eu cadarnhau gan yr Ymddiriedolaeth Elusennol llawn yn ei gyfarfod a gynhaliwyd ar 15 Rhagfyr 2016.

5 GRANTIAU BLYNYDDOL 2017/18

Cyflwynwyd – adroddiad gan y Trysorydd ynglŷn â'r uchod.

Adroddwyd mai pwrpas yr adroddiad oedd ystyried y ceisiadau sy'n berthnasol i Ymddiriedolaeth Elusennol Ynys Môn. Dyrennir arian yn flynyddol ar ran Ymddiriedolaeth Elusennol Ynys Môn i brosiectau o dan y categorïau a ganlyn :-

- Cyfleusterau Cymunedol a Chwaraeon (prosiectau cyfalaf bach)
- Grantiau Eraill (grantiau bychan unwaith ac am byth yn bennaf)

Yn ei gyfarfod ar 25 Ionawr 2017, penderfynodd yr Ymddiriedolaeth lawn ddirprwyo cyllideb o £125,000 i'r Pwyllgor hwn ar gyfer y rhaglen grantiau blynyddol. Yn ogystal, yn ei gyfarfod ar 13 Medi 2016 penderfynodd yr Ymddiriedolaeth lawn ddirprwyo awdurdod i'r Pwyllgor Grantiau Cyffredinol i gymeradwyo ceisiadau am Grantiau Bach, ac felly dim ond nodi cofnodion y Pwyllgor Grantiau Cyffredinol fydd rhaid i'r Ymddiriedolaeth Elusennol llawn wneud yn dilyn hynny. £8,000 yw uchafswm y grant ar gyfer Cyfleusterau Cymunedol a Chwaraeon a hyd at 70% o'r costau cymwys. Fodd bynnag, yn ei gyfarfod ar 21 Ebrill 2011, penderfynodd yr Ymddiriedolaeth lawn roi hyblygrwydd i'r Pwyllgor hwn gynyddu uchafswm a chanran y gefnogaeth yn wyneb y ceisiadau a dderbyniwyd.

Mae Swyddogion perthnasol yng Nghyngor Sir Ynys Môn wedi ystyried a blaenoriaethu'r ceisiadau a dderbyniwyd, cyn belled ag y bo modd ac yn gyson â phenderfyniadau'r Ymddiriedolaeth a'r meini prawf a sefydlwyd yn y gorffennol. Mae argymhellion y Swyddogion i'w gweld yn Atodiad A sydd ynghlwm i'r adroddiad. Defnyddiwyd system gyfeirio ar y cyd ar gyfer y ddau fath o grant a gyflwynwyd i'r Pwyllgor hwn ac ar gyfer ceisiadau am arian o Gronfa'r Degwm; mae unrhyw fylchau yn y cyfeirnodau i'w priodoli i'r ffaith bod y grantiau hynny wedi cael eu cyflwyno i Gronfa'r Degwm.

Ystyrir y ceisiadau hyn yn unol â'r 'Meini Prawf ar gyfer Dosbarthu Grantiau o Ymddiriedolaeth Elusennol Ynys Môn', ac roedd copi ohono ynghlwm wrth yr adroddiad yn Atodiad B.

Mae'r ceisiadau a dderbyniwyd a'r symiau a argymhellir ar gyfer Cyfleusterau Cymunedol a Chwaraeon – Grantiau Cyfalaf 2017/18 fel a ganlyn :-

001 -	Clwb Pêl Droed Bro Goronwy	Uwchraddio ac adnewyddu'r cawodydd yn yr ystafelloedd newid	DIM <i>(Ddim yn gymwys am fod y clwb wedi derbyn grant yn 2015/16)</i>
002 -	Côr Cymunedol Llanddona	Cynorthwyo'r Côr i gynhyrchu cryno ddisg	£1,395
003 -	Cymdeithas Morisiaid Môn	Cyhoeddi cylchgrawn 'Tlysau'r Hen Oesoedd'. Datblygu gwefan gyfoes. Cyhoeddi llyfr poblogaidd/cael stondin yn yr Eisteddfod Genedlaethol	£4,676 <i>(Yn amodol ar dderbyn dyfynbrisiau)</i>
004 -	Cymdeithas Hamdden Benllech a'r Cylch	Adnewyddu'r Cwrt Tennis	DIM <i>(Nid yw cynlluniau gwerth dros £30,000 yn</i>

			<i>gymwys am ystyriaeth)</i>
005 -	Clwb Bowlio Biwmares	Gwella cynnal a chadw'r lawnt fowlio drwy brynu casetiau ychwanegol i'r peiriant torri gwair	£1,295
006 -	Clwb Henoed Llanfaethlu	Cynorthwyo gyda chostau cludiant i fynd â phensiynwyr ar deithiau	£500 <i>(Cymeradwyo'r egwyddor, yn amodol ar dderbyn mwy o wybodaeth am y gweithgareddau a chyfraniad gan y rhai sy'n cymryd rhan)</i>
007 -	Creatasmile	Darparu sesiynau hwyl i'r teulu ar gyfer plant awtistig/gdd/aur ac anghenion ychwanegol a'u teulu agos	£1,750
009 -	Cymdeithas Rhieni a Chyfeillion Ysgol Llanbedrgoch	Adeiladu Tŷ Crwn Traddodiadol	DIM
010 -	Grŵp Cymunedol Amlwch	Gofyn am gefnogaeth ariannol ar gyfer nifer o fentrau	£4,200 <i>(yn amodol ar dderbyn dyfynbrisiau a phrawf o berchnogaeth neu brydles ar y tir – cyfraniad tuag at yr elfen rhandir yn unig gan nad yw'r ddwy elfen arall yn gymwys)</i>
011 -	Gwasanaeth Ysgolion William Mathias Cyf.	Arian tuag at gost Cwrs Haf 2017 i ddisgyblion oedran 10 – 18 oed drwy Wynedd ac Ynys Môn	DIM <i>(Mae'r Gwasanaeth yn derbyn cyllid gan yr Awdurdod ac nid yw'n gymwys gan fod y gweithgareddau'n cynnwys ardal Gwynedd hefyd)</i>

012 -	Heneiddio'n Dda	Darparu cefnogaeth weinyddol i'r Bwrdd Heneiddio'n Dda a'r Canolfannau Trefi	DIM <i>(Nid yw'r Ymddiriedolaeth yn cefnogi costau rhedeg)</i>
013 -	Cyngor Cymuned Bryngwran	Ffensio ychwanegol i'r cae chwarae	£2,524
014 -	Clwb Pêl Droed Fali	Prynu pyst gôl symudol	£1,329 <i>(yn amodol ar dderbyn copi o'r cyfansoddiad, polisiau a chyfrifon)</i>
015 -	Fforwm Anabledd Taran Cyf.	Cynorthwyo gyda chyflogau staff	DIM <i>(Nid yw'r Ymddiriedolaeth yn cefnogi costau rhedeg)</i>
016 -	Trigolion Llanddaniel Fab	Arian i ailddatblygu adeilad cymunedol y pentref	£8,000
018 -	Cymdeithas MS Gwynedd a Môn	Ariannu dosbarthiadau ymarfer corff ar gyfer pobl sydd â MS	DIM <i>(Derbyniwyd grant gan yr Ymddiriedolaeth yn 2015/16)</i>
019	Cyfeillion Swtan	Trwsio to gwellt y bwthyn	£1,545
020	Cyngor Ar Bopeth Ynys Môn	Arian i gyflogi Swyddog Hyfforddi pwrpasol	DIM <i>Nid yw'r Ymddiriedolaeth yn cefnogi costau rhedeg)</i>
022 -	Canolfan Llanfairynghornwy	Atgyweirio'r Ganolfan	£8,000 <i>(yn ddibynnol ar dderbyn ail ddyfynbris ar gyfer y gwaith)</i>
023 -	Neuadd Gymuned Penrhosllugwy	Tarmacio'r maes parcio	Tynnwyd y cais yn ôl

024 -	Clwb Bowlio Caergybi	Adnewyddu nenfwd y Tŷ Clwb	£1,575
025 -	Neuadd yr Eglwys a Chymuned Moelfre	Gosod llwyfan symudol a phrynu byrddau a thaflunydd	£3,918
026	Cymdeithas Tir Glas	Cyhoeddi llyfr coffaol a chreu gwefan	£3,804
028	Pwyllgor y Celfyddydau Gweledol Eisteddfod Genedlaethol Ynys Môn	Cyllido darn o waith celf cyhoeddus gan artist lleol i'w arddangos yn yr Eisteddfod ac yna yn Oriel Ynys Môn	NIL <i>(Ymddengys fod y cais er budd unigolyn. Codwyd pryder hefyd ynglŷn â chostau cynnal a chadw'r gwaith celf ar ôl yr Eisteddfod)</i>
038	Neuadd Gymunedol Sefydliad y Merched Llanelian	Darparu cyfleusterau dŵr poeth i olchi dwylo yn y gegin a'r toiledau a gosod toiled newydd	£1,050

Y ceisiadau a gyfeiriwyd ymlaen i'r Pwyllgor Grantiau Cyffredinol gan y Pwyllgor Adfywio fel a ganlyn :-

029 -	Heneiddio'n Dda	Costau rhedeg	DIM <i>(Nid yw costau rhedeg yn gymwys i dderbyn cyllid)</i>
030 -	Clwb Pêl Droed Cemaes	Uwchraddio'r llifoleuadau	DIM <i>(Ddim yn gymwys oherwydd bod y Clwb wedi derbyn grant ar gyfer llifoleuadau yn 2016/17)</i>
031 -	Cwmni Cymunedol Amlwch Cyf.	Prynu offer	DIM <i>(Ni chyflwynwyd prydles yr adeilad, nid oedd cyfrifon)</i>

			<i>blwyddyn ar gael)</i>
032 -	Clwb Pêl Droed Llandegfan	Uwchraddio'r cyfleusterau	£7,000 <i>(Yn amodol ar weld y brydles a darparu ail ddyfynbris)</i>
033 -	Coleg Menai (ar y cyd â Biwmares yn ei Flodau)	Creu gardd goffa	DIM <i>(costau'r cais yn aneglur)</i>
034 -	Clwb Criced Porthaethwy	Prynu rholer newydd	£8,000 <i>(yn amodol ar dderbyn tystiolaeth gan y Clwb nad oes ganddynt ffynhonnell ariannu arall ar gyfer prynu'r offer)</i>
035 -	Y Samariaid	Costau rhedeg	DIM <i>(Nid yw costau rhedeg yn gymwys)</i>
036 -	Clwb Gymnasteg Ynys Môn	Offer newydd ar gyfer ehangu'r Clwb	DIM <i>(ddim yn gymwys gan fod y Clwb wedi derbyn grant yn 2016/17)</i>

PENDERFYNWYD cymeradwyo'r symiau, fel y'i rhestrir uchod (£58,037) [gyferbyn â'r symiau a argymhellir], sy'n cyfateb i gyfradd grant o 70%.

Mr. Vaughan Hughes
Cadeirydd

Document is Restricted

This page is intentionally left blank